



Universitätsbibliothek Paderborn

**Iacobi Llobetii Leodiensis E Societate Iesv. Specvlvm
Ecclesiasticorvm, Ac Religiosorvm.**

Llobet de Lanthin, Jacques

Leodii, 1640

§. 2. Lotio manuum ante sacrificium, sacramque Communionem.

[urn:nbn:de:hbz:466:1-47105](#)

§. 2.

*Lotio manuum ante sacrificium, sacramque
Communionem.*

DE hac manuum lotione aliquid verbulo ante insinuavi, modo ex professo fusi agam, ex eaque præclara deducam morum documenta.

Aaroni, ac filijs eius hanc olim Mosis calamo legem inscripsit Deus. *Facies labrum æneum, cum baji sua ad lauandum, ponesque illud inter tabernaculum testimonij, & altare, & missa aqua laubunt in eâ Aaron & filij eius, manus suas, ac pedes.* Exod. 30.
v. 18, 19.

Ea lex cœlo iudice lata à Iudæis transiit ad Gentiles: ad quorum morem alludit illa Hesiodi parœmia. *Illotis manibus sacra tractare nefas.*

Imò placuit suawi, diuinæque prouidentiæ, cum quoque ritum in noua, ac Christiana lege usurpare: Sacerdotes enim sacris operaturi, iubentur prius manus eluere: imò & sub ipsum sacrificij tempus cluunt, ad necuntque votum illud regij vatis. *Lauabo inter innocentes manus meas, & circumdabo altare tuum Domine.* Et hæc Sacerdoti cæremonia singularis; illa etiam alijs fidelibus communis.

In primitiua Ecclesia Christiani omnes templum ingressuri, & communicaturi, manus lauare soliti, quem in usum pro foribus templi visebatur vas ingens aquæ opportunum sacræ illi lotioni, cuius loco

312 SPECVLVM ECCLESIASTICORVM,
loco in præsentia ad templifores seruatur vasculum
aquæ lustralis, quo non tam corpus, quam animus
eluitur.

Illius autem auitæ institutionis duplex ratio fuit.
Vna quidem, quia tum temporis Christiani sacram
Eucharistiam non ore (vt modo vſus obtinuit)
sed manibus excipiebant, domumque deportabant;
ideoque probe lotas, & puras esse oportebat, vt quæ
sacrum illud vitæ melioris viaticum exciperent.

Altera, eaquæ potissima causa hæc fuit, vt illa
lotione manuum, corporisque munditie, moneren-
tur, quæ deberet esse animi, mentisque puritas, can-
dor illibatus; & eximia quædam continentia, ad
quam vocari potest ea lex antiqui Testamenti Sa-
cerdotibus imposta, qua iubebantur tempore vicis
suæ, ab vxoribus, licitaque alias venere abstinere; vt
mihi author est Beda, & Theophylactus.

L. de
Monar-
chia. Imò Philone teste, eo tempore non domi suæ,
sed in domibus atrij templi habitabant, ne aliqua
legali immunditia foris sese contaminarent.

Ad eandem munditiei, & castimoniae legem,
tradi potest illa consuetudo, qua in Ecclesia Lat-
ina Sacerdotibus coniugium interdicitur, de quo D.
Ambrosius quæstionem mouet: cur in antiqua le-
ge concessum illud, negatum in noua?

Vt nodum illum soluat, respondet, quia in vete-
ri lege Sacerdotes rarius & per vices templo seruie-
bant:

bant: in noua autem quotidie ministrant. *Sacerdo-*
tes, inquit, die, noctuque pro plebe sibi commissa o-
portet orare. Mundiores ergo debent esse cæteris, quia
actores sunt Dei.

*In c. 3.
Ep. 1. ad
Timoth.*

Quod ipsum argumentum felicissime tractat,
& persequitur D. Augustinus: quærit enim. Cur
si licet, & bonum est nubere; Sacerdoti non liceat?
vt illi dubio faciat satis, hæc subiicit.

Quia debet mundior esse quam cæteri, quia sancta
sunt, quæ administrat. Nam sicut ad comparationem
lucernæ, tenebræ non tantum obscuræ sed etiam sor-
didæ sunt: ad comparationem autem stellarum, lu-
cerna caligo est: ad solis vero comparationem stellæ
nebulosæ sunt; ad Dei autem claritatem sol nox est:
ita quæ ad nos licita, & munda sunt: ad Dei digni-
tatem quasi illicita, & immunda sunt.

*L. quæst.
vtriusque
Testam.*

Hæc Christiana eloquentia D. Augustinus, vt
luce meridiana clarius ostendat, quam purus esse
debeat, castusque Sacerdos Dei ter opt. ter max. ad-
minister.

Lucerna est in domo Dei, ideòque super cande-
labrum poni debet, non sub modio coniugij.

Stella est infixa Ecclesiæ, tanquam cœlo nouo.

Sol est positus in firmamento huius ævi morta-
lis. Ideòque & lucerna defœcator, & stella purior,
& sole ipso lucidior sit oportet. Est lux ipsa solis
huius aspectabilis, & nobilissima cœlestium cor-

R. r

porum

314 SPECVLVM ECCLESIASTICORVM,
porum affectio , quæ nullo vicinorum corporum
appulsi , nullis qualitatum externarum contagij
infici potest , ac fordescere.

Et luci cognatus esse debet Sacerdotum animus ,
qui nullam impuri amoris colluuiem , fordes om-
nino nullas patiatur : vel ob id tantum , quod diui-
nis Missarum solemnis proprius intersit , quod aris
affistat , quod epulo Dominico participet .

Ob eandem sacrorum reuerentiam , adorandum
que Eucharistiæ maiestatem , video quondam ali-
cubi prohibitum , ne qui erant in communi vita ,
legitimo alioqui matrimonio copulati , totius Qua-
dragesimæ tempore coniugij vsum adhiberent ;
qui id fecisset minus pius , & religiosus videretur .

Hom. 16. Hinc illa S. Eligij Nouiomensis Episcopi . Nam ,
vt quidam sapiens ait , similius reatus est fidei Chri-
stiano diebus Quadragesimæ etiam cum propria uxo-
re concubere , sicut & carnes in ea sumere . Hæc
ille . Utque videoas ac mireris , quis fuerit illius æta-
tis , sæculique sensus , quis Patrum animus , zelusque
castimoniaræ ; Concilium Eliberinum vnius anni
poenam ijs imponit , qui destinatò vacarint rei uxo-
riæ ; & hoc genus voluptatis experti sint eo Quadra-
gesimalis ieiunij tempore , quo ad sacram synaxim
disponi debet animus .

C. 9. Neque dixeris eam tantum vnius Concilij men-
tem fuisse : fuit & illa sanctissimorum Pontificum ,
quos

quos inter Nicolaus Papa in responsis ad consulta Bulgarorum : significat eam esse Romanæ Ecclesiæ consuetudinem, ut Christiani omnes, in Quadragesima communicarent, & proinde omni carnis voluptati renuntiandum monet.

Quod si voce , monitisque Patruim , si oraculo magni Pontificis , etiam coniugatis tam diurna continentie lex imponitur, ut se ad pias precationes ; & diuini corporis communionem apparent; quanta hominum Deo sacrorum continentia esse debet , ut in dies singulos altari seruire possint , & tractare veneranda illa , & ipsis Angelis tremenda mysteria . Pro quorum vslu , ac reuerentia bene cecinit Arator Diaconus . *Ecclesiæ nunc alma fides, sine fine pudicos,* In Act. c. 30.

Pontifices iubet esse suos.

Et certè Diuus Dionysius, magna illa tuba resonantis cœli, negat ullum admittendum esse ad Pontificium Ordinem , & dignitatem Sacerdotij , qui non profiteatur se mundum , & sanctum ad ea quæ *De Eccl.* *Hier. c. 1.*
sancta sunt, atq; pura tractanda venturum. Quidni enim mundus sit, & sanctus, qui elata voce pronuntiat, ac profitetur ascendere se ad montem, ad tabernaculum Altissimi ?

Magnus ille gentium Pater Abraham, dum in montem cum filio Isaac sacrificaturus pergeret, asinum , & seruos ad illius pedem , ad abiecta valium loca consistere iussit, ut suo exemplo doceret,

Rr 2 quo

316. SPECVLVM ECCLESIASTICORVM,
quo pede, quo comitatu Sacerdos alta montium,
& pretiosa sacrificij mysteria subire debeat: vt in
ijs alter Isaac, eo longè potior, æterni Patris filius
hostia immoletur. Nimirum ad ea admitti non
potest asinus, aut seruus: seruile, & asinimum inge-
nium, ad gulæ pascua, ad fœdas voluptates abie-
ctum: qui enim admittatur, qui ascendit in taber-
naculum, non vetus illud, in quo fumus tantum,
aut nebulæ aut euanscens gloria maiestatis, non
arca ophireo auro illusa, non manna rorifero ex
aëre concretum, non muti Cherubim, sed augustio-
ra longè, ac diuiniora: ea scilicet, in quibus pro ar-
ca, pro manna, pro rore, pro Cherubinis, sit ipse
Deus, fons vitæ, & fides maiestatis.

§. 3.

De signo Crucis.

Vbi ad altaris pedem steterit Sacerdos sacra
Missarum solemnia inchoaturus, primum se
munit signo Crucis; de quo mihi succurrunt tres,
cæque præcipuae in primis quæstiones.

Vna de numero; altera de sede; alia denique de
mysterijs, præsidio, virtute, gloria, quæ ab illo si-
gno seu corpori, seu animo infigitur.

L. de ob-
ser. Eccl.
c. 14. De numero id obseruat Mycrologus signum
Crucis in Missa quandoque semel, quandoqueter,
quandoque etiam quinies exprimi, numero sem-
per dispari, nunquam pari. Quæ causa?